



**Rvperti Ab||batis Monasterii || Tvitiensis Ordinis S.  
Benedicti The||ologi antiqui, Opera duo, ut egregia sanè,  
ita diu desiderata, multoq[ue] || labore perquisita, ac  
sumptu haud ita modico ...**

**Rupert <von Deutz>**

**Colonia, M. D. XXVI.**

**VD16 R 3796**

Item de ædificatione domus eiusdem, quid mysterij habeat dictum illud,  
domuscum ædificaret[ur], lapidibus dedolatis atq[ue] p[er]fectis ædificata  
est.

---

[urn:nbn:de:hbz:466:1-71860](https://nbn-resolving.org/urn:nbn:de:hbz:466:1-71860)



exitu uitæ huius perficitur. ¶ Quomodo ibi perficitur? Astando ante tribunal Christi, & parata ibi statera, quam beatus Iob suis temporibus nondum paratam suspirans, dicebat. Vtinam appenderentur peccata mea, quibus iram merui, & calamitas quam patior, in statera, quasi arena maris hæc grauior appareret. Statera ista tunc parata est, quando misericordia & ueritate (ut iam dictum est) obuiantibus sibi, immortalis deus mortalis homo factus est. Cum ergo uenitur ad examen stateræ huius, dum statur ante tribunal iudicis huius, ibi sunt due lances, altera misericordiæ, altera iudicij: & tamen duo sant (ut iam diximus) scilicet, homo qui peccauit, & habitans per fidem in corde eius Christus qui non peccauit, appenduntur peccata unius tantum in statera iudicij, appenditur calamitas duorum in statera misericordiæ, scilicet & calamitas mortis eius, qui peccauit. Verbi gratia, Iob aut alterius uiri fidelis, et calamitas mortis eius qui non peccauit, scilicet Iesu Christi. Nōne itaq; calamitas in lance misericordiæ grauior appareret, q̄ peccata in lance iudicij? Plane grauior quasi arena maris, utpote duplum contra simplum: quia cum simus duo, & unus tantum peccauerit, ambo soluimus debitum mortis. Quid igitur? Profecto, sicut scriptum est, & nos iam meminimus, si quispiam præualuerit contra unum, duo resistent ei, id est, si princeps mundi huius contra steterit ut accuset animam egredientem à Christo, habitate in se, defensionem petit. Apprehende (inquiens) arma & scutum, & exurge in adiutorium mihi.

¶ Item de edificatione domus eiusdem, quid mysterij habeat dictum illud, domus cum edificaretur, lapidibus dedolatis atque perfectis edificata est.

Caput .VIII.

**S**ed iam propositum de domo tua domine, de corpore tuo Christe, quo proposuimus ordine sermonis, persoluamus. Proposuimus namq; sermone fideliter conceleberrare tria hæc, ædificationem, exornationem, atq; dedicationem domus huius: in qua inhabitat omnis plenitudo diuinitatis corporaliter. Iam ergo de exornatione dicendum esset, nisi quod adhuc in ædificatione capitulum nos illud tenet, domus cum edificaretur, lapidibus dolatis atq; perfectis ædificata est. Huius namq; capituli mysterium, intactum animus præterire non patitur. ¶ Quid ergo est, huiusmodi domum ædificatam esse lapidibus dedolatis atq; perfectis, nisi mediato rem dei & hominū, hominem Christum Iesum, conceptum esse ex utero, siue concretum in utero uirginis, secundum fidem sermonemq; fidem Patriarcharum atq; Prophetarū, qui utiq; fuerunt uel sunt lapides magni, lapides perfecti. Huic etenim unus illorum Esaias gratulatur & dicit. Et adhibui mihi testes fideles, Vriam sacerdotem, & Zachariam filium Barachiz. Et accessit ad prophetissam, & concepit & peperit filium. Et dixit dominus ad me: Voca nomen eius, accelera, spolia detrahe, festina prædari. Plane hic unus dixit, cæteris quoq; omnibus sanctis Prophetis, quorum per os spiritus sanctus locutus est à seculo, dixisse uel dicere congruit. Omnes enim ad illam prophetissam accesserunt, omnium fides, omnium prophetiæ in illam beatam uirginem conuenerunt: & ipsa sciuit, quid ageretur secum secundum ueritatem scripturarum. ¶ Domus igitur ædificata est lapidibus dedolatis atq; perfectis, id est, incarnatio dominica, secundum fidem & expositionem sanctorum, & secundum scripturas prophetarum, & uerum ex omnibus habet testimonium sancta domus tua domine, iuxta illud præconium magni Prophetæ: Testimonia tua credibilia facta sunt nimis, domum tuam decet sanctitudo domine in longitudine dierum. Quam bene autem lapides isti perfecti dicuntur etiam dedolati, Quis enim illorum uiam uitæ huius pertransiuit absq; delatura tribulationis? Deniq; pleriq; illorum fuere dolati uel que ad internitionem sui corporis. Hinc ipse deus dicit in Osee: Propter hoc dolauit in prophetis, occidi eos in uerbis oris mei. Et in Actibus Apostolorum, protomartyr Stephanus ait: Dura ceruice & in circumcisi cordibus & auribus, uos semper spiritui sancto resististis, sicut patres uestri & uos. Quem prophetarum non sunt persecuti patres uestri? Et occiderunt eos qui prænuunciabant de aduentu iusti.

¶ De exornatione eiusdem domus, quali auro exornata sit, descendente ad illam super dominum spiritu sancto in specie columbe, cum baptizaretur a Johanne.

Caput .IX.

K 2 Aedifi

Statera iudicij in exitu huius uitæ Iob. 6

Eph. 3.

Ecclesiastes. 4.

Psal. 34.

Coloss. 2

3. Reg. 6  
Lapides dolati atq; perfecti sunt Patriarchæ atq; Prophetæ.  
Esa. 8

Domus ædificata lapidibus dolatis atq; perfectis.  
Plal. 92.

Osee. 6  
Actu. 7.